

欽定續通志

欽定續通志卷五百十四

忠義傳

宋四

陳寅

賈子坤純孝

高稼

曹友聞

萬

蹇纛

維之永叔

劉銳

趙汝易

丁黼

王翊

浦東卯

趙崇啓

劉當可

邵復

馮仲煜

李大金

趙長

趙廣

施擇善

胡天啓

陳隆之

史季儉

何充

陳元桂

張桂

許彪

孫文

曹金

顧世全

顧彥海

李

張順

張貴

牛富

王福

范天順

呂文信

張興宗

趙文義

孫武

何庚

楊壽

田廣澤

邊居誼

趙卯發

唐震

梅何新之

馮驥

司馬夢求

耿世安

李成大

潘大同

趙孟錦

苗再成

陶居仁

尹玉

陳炤

姚書

王安節

黃介

陳力

密佑

米立

李芾

千興

沈忠

顧

尹穀

趙良渚

徐道隆

載孫

陳寅寶謨閣待制咸之子漕司兩貢進士以父恩補職歷官州縣紹定初知西和州元兵入境寅誓與民共守留

家城中散資財以結忠義元兵十萬攻城東南門寅自執旗鼓激勵將士迎敵力戰屢退之元兵伐木為攻具增

兵至數十萬圍州城甚急寅率民苦戰援兵不至城遂陷寅顧其妻杜氏曰若速自為計杜厲聲曰安有生同

君祿死不共王事者即登高堡飲藥自殺二子及婦俱死母旁寅斂而焚之乃朝服登戰樓望闕焚香號泣再拜

伏劍而死賓客同死者二十有八人一子後至將自裁軍士抱持之與俱縋城亦折足死事聞詔贈朝議大夫右

文殿修撰久之加贈華文閣待制諡襄節賈子坤字伯厚潼川懷安軍人嘉定十三年進士為西和推官攝通判

與寅誓死守城城陷子坤朝服與其家十二口死之追贈承議郎官其子仲武宣教郎仲武子純孝登咸淳七年

進士第丞相文天祥辟佐其幕尋授祕書丞擢吏部郎中轉朝散郎厓山師敗純孝抱二女偕妻卒同蹈海死
高稼字南叔邛州蒲江人嘉定七年進士制置使崔興之辟本司幹辦公事未幾改知綿谷縣寶慶三年蜀帥桂
如淵辟通判河州尋檄兼幕職元兵由褒道至如淵憂之辟稼知洋州稼以洋屬平地無一卒以守議移金州帥
司軍千人駐洋州而自任其餉給李心傳爲言諸朝不報及鳳州破制置司始從稼請調金州兵赴之而兵不時
至漢中歸梁洋之民數十萬盡趨安康稼乃移屯黃金渡收散卒招忠義以州事付通判而自假節制軍馬督諸
將繼進河州破元兵追大安益昌大震稼亟命趨河自至西縣援之如淵以便宜命稼利路提刑司兼權興元府
置制司檄守米倉稼移書請以興河利三戎司分駐鳳州如淵遲疑不決逮天水同慶被屠西和圍益急始會軍
民之衆萬人援之道梗不得前而城已破矣如淵旣罷李熹代之以稼久勞請改界內郡差知榮州殿中侍御史
汪剛中如淵黨也欲使稼分其罪乃謂蜀之敗實由稼遽罷之又削二官制置使趙彥呐以參議官辟之制置司
近漢中稼言漢中蕩無蒞籬宜經理仙人原以爲緩急視師之地彥呐以委稼會召還彥呐密奏留稼以直祕閣
知河州利州提點刑獄兼參議官至則葺理創殘招集流散民皆襁負來歸元民入西和薄階州稼贊彥呐登原
督戰進稼三官爲朝請大夫兼關外四州安撫司公事措置西路屯田元兵自鳳州入擣河池至西池谷距河九
十里吏民竄逃議欲退保大安稼白彥呐曰今日之事有進無退彥呐曰吾志也已而竟行留稼守河元兵自白
水關入六股株距河六十里河無城依山爲阻稼升高鼓噪盛旗鼓爲疑兵彥呐至宜口輟帳前總管和彥威以
軍還河召小將楊俊何璘悉以兵會又調總管王宣精兵千人益之璘軍無紀律稼捕其縱火者三人誅之未幾
元兵大至璘遁其衆皆潰遂失河州先二日子斯得侍以時危任重爲愛稼語之曰吾得死所何憾城旣陷衆擁

稼出戶兵騎四集圍之遂死焉詔進稼七官爲正議大夫龍圖閣直學士諡曰忠後以子斯得執政累贈太師斯得自有傳

曹友聞字允叔同慶栗亭人武惠王彬十二世孫也登寶慶二年進士授絳州尉改辟天水軍教授元兵至友聞罄家財招集忠義得健士五千人制置使李璘檄管忠義領所部守仙人關友聞令諸軍乘高據險身冒矢石爲士卒先兵退制置使檄捍七方關元兵破七方遂入河州金牛至大安又分兵自嘉陵江木皮口突出長驅入劍門友聞與弟萬各率所部取間道戰於白水江中流兵退制置使檄駐閬州又檄知天水軍元兵入鳳州略河池抵同慶城下友聞部分諸將各守一門命統制王漢臣等取間道出戰自提重兵尾敵後大戰有功特授承務郎權發遣天水軍元兵又自西和至階州友聞往來督戰有功制置使趙彥呐俾節制利帥司軍馬任責措置邊面換武翼大夫閤門宣贊舍人差權利州駐劄御前諸軍都統制駐劄石門控扼七方關明年元兵破武休關入河陽利路提刑高稼死之制置使進屯青野原被圍友聞遣萬領兵自冷水口度嘉陵江至六股株屢戰有功夜銜枚由間道直趨青野原友聞引精兵亦趨至原下半截戰圍遂得解特授武德大夫左驍騎大將軍依舊利州駐劄御前諸軍統制元兵破河州擣大安突至陽平關友聞遣將出戰又親帥帳兵及背鬼軍突出陳前左右馳射旦料敵必旋兵攻雞冠隘急遣將援之兵乃解去特授眉州防禦使依舊左驍騎大將軍利州駐劄御前諸軍統制兼河州駐劄兼管關外四州安撫權知河州節制本府屯戍軍馬弟萬差知同慶府四州制置司帳前總管仍舊總管忠義軍馬節制屯戍軍馬董仙駐劄專與河利兩司同共任責措置邊面明年友聞引兵扼仙人關元兵合諸軍五十餘萬大至先攻武休關敗都統李顯忠軍遂入興元欲衝大安制置使趙彥呐檄友聞控制大安

以保蜀口友國馳書彥呐曰沔陽蜀之險要吾重兵在此敵有後顧之憂必不能越沔陽而入蜀大安地勢平曠無險可守正敵騎所長步兵所短況眾寡不敵豈可於平地控禦彥呐不從一日持小紅牌來速者七友聞議為以寡擊眾非乘夜出奇內外夾擊不可乃遣萬及弟友諒引兵上雞冠隘多張旗幟示敵堅守友聞選精銳萬人夜渡江密往溪設伏約曰敵至內以鳴鼓舉火為應外呼殺聲元兵果至萬出逆戰敵將巴圖爾達罕帥萬餘人往來搏戰矢石如雨萬身被數鎗令諸軍舉烽友聞分所部為三以禦敵親帥精兵三千人疾馳至隘下先遣保捷軍統領劉虎帥敢死士五百人衝前軍前軍不動大兵伏三百騎道旁虎眾銜枚突戰按宋元通鑑作友聞乃伏騎三百道旁而友聞入龍尾頭萬聞之五鼓出隘口與友聞會內外兩軍皆殊死戰血流二十里黎明元兵益增

令虎眾銜枚突戰未詳孰是

友聞入龍尾頭萬聞之五鼓出隘口與友聞會內外兩軍皆殊死戰血流二十里黎明元兵益增

殺節官二子承務郎塔迪功郎萬贍武翼大夫二子成忠郎

塞彝潼川通泉人嘉定二年進士累官通判金州端平三年元兵攻蜀彝堅守被擒不屈而死其子承叔復力戰城破舉家死焉弟維之紹定五年進士利州都統王宣辟行參軍事亦迎敵力戰死特官其子

劉銳知文州嘉熙元年元兵來攻銳與通判趙汝婦

昭忠錄作汝婦

率軍民七千餘人拒守兩月餘援兵不至城中無水

取汲於江敵增兵攻城一夕移江流於數里外銳度不免集其家人盡飲以藥皆死聚其屍焚之家素有禮法幼

子同哥才六歲飲以藥猶下拜受飲左右為之感泣汝婦宣城人善射城破猶提雙刀入陣中十六矢被執失斷

其兩臂而後嚮殺之銳及其二子登文王臺自刎死

按劉銳趙汝婦宋史既立合傳又附載二人事於王翊等傳內前後重出今節取併載於此

丁黼成都制置使也嘉熙三年元兵自新井入詐豎宋將李顯忠之旗直趨成都黼審知其非領兵夜出城南迎

戰至石筍街兵散黼力戰死之

王翊字公輔郫縣人寶慶元年進士吳曦招之入幕曦以蜀叛翊爲陳大義曦怒囚之及曦誅而免嘉熙元年制置使丁黼辟爲參議官元兵至黼倉卒迎敵敗死翊募兵拒守城破朝服赴井死轉運副使蒲東卯昭忠錄亦死之兵屠漢州權州事劉當可判官邵復錄事參軍羅由司戶參軍趙崇政知雒縣羅君文皆不屈死復雍大世孫也入眉州知丹陵縣馮仲煜死之取簡州簡守李大全死之叩守趙晨親率雅州牌手出戰力盡而死師至遂寧民兵趙朋拒戰左臂已斷而戰不休卒死之至重慶進士胡天啟負母逃兵殺其母天啟與其妻呼天大罵遂同死事聞皆褒卹有差寶祐六年元兵拔吉平隘守將楊禮周德榮死之拔長寧守將王佐父子俱死至閬州推官趙廣死之至蓬州轉運使施擇善死之至順慶帥司段元鑑城守麾下劉淵殺之以降

陳隆之爲四川制置使淳祐元年十一月成都被圍隆之固守彌旬弗下部將田世顯乘夜開門元兵突入隆之舉家皆死檻送隆之至漢州命諭守臣王夔降隆之呼夔語曰大丈夫死爾毋降也遂見殺後贈徽猷閣待制特與兩子恩澤賜諡又有史季儉者威州棋城主簿也成都之陷子良震與壻楊城夫爭相爲死各特贈兩官與一子下州文學

何充漢州德陽人祕書監耕之孫通判黎州攝州事城破充自刺不死元軍帥呼之語使署招兵榜充曰吾監州也一家死耳榜不可署自是水飲絕不入口敵知其不可強斬之初充見呼其妻陳以一家隨往帥曰不呼汝也陳曰吾求死耳及充死東望再拜曰吾夫婦對趙氏無愧矣衆以石擊殺之同死者四十餘人

陳元桂撫州人淳祐四年進士累官知臨江軍開慶元年春元兵至臨江時制置使徐敏子在隆興頓兵不進元

桂登城坐北門亭上督戰矢石如雨吏卒勸之避去不從有以門廊鼓翼蔽之者麾之使去有欲抱而走者元桂曰死不可去此左右走遁師至元桂瞠目叱罵遂死之事聞贈寶章閣待制官其二子諡曰正節

許彪孫顯謨閣學士奕之子也爲四川制置司參謀官景定二年劉整叛召彪孫草降文彪孫辭使者曰此腕可斷此筆不可書也卽閉門與家人仰藥死整旣降遂引兵襲都統張桂營桂及統制金文德戰死納溪曹巖閣門死之景定四年河州都統胡世全護糧運至虎象山遇敵兵戰敗死咸淳二年元兵取開州守將龐彥海死之德祐元年瀘守梅應春殺判官李丁孫推官唐奎瑞以城降珍州守將江彥清巷戰死之

張順民兵部將也襄陽受圍五年詔李庭芝移屯郢州援之

據李庭芝傳及宋元通鑑增

偵知襄陽西北一水曰清泥河源於

均房卽其地造輕舟百艘以三舟聯爲一舫中一舟裝載左右舟則虛其底而掩覆之出重賞募敢死者三千人

求將得順與張貴以爲都統軍中呼貴曰矮張順曰竹園張智勇並出諸將上出令曰此行有死而已不能死者

去毋敗吾事人人感奮是時五月漢水方生發舟進團山下越二日進高頭港口結方陳各舟置火槍火砲熾炭

巨斧勁弩夜漏下三刻起碇出江以紅燈爲識貴先登順殿之乘風破浪徑犯重圍至磨洪灘以上望見元舟師

布滿江面無隙可入衆乘銳斷鐵絙攢棹數百

按昭忠錄云元兵迎敵近南船諸人溺死萬計與前無底舟可互証諸附錄

轉戰百二十里黎明抵襄

陽城下城中久絕援聞救至踴躍氣百倍及收軍獨失順越數日有浮屍遡流而上被甲冑執弓矢直抵浮梁視

之順也身中四槍大箭怒氣勃勃如生軍中驚以爲神結紼斂葬張貴旣抵襄襄帥呂文煥留共守城貴恃其驍

勇欲還鄧乃募二士能伏水中數日不食者使持蠟書赴郢求援於時元兵增守益密水路連鎖數十里列撒星

檣雖魚蝦不得度二人遇檣以鋸斷之音達鄧郢報許發兵五千駐龍尾洲以助夾擊刻日旣定以七月七日

不戰月日令別文煥聚下點視所部泊登舟帳前一人亡去乃有過被撻者貴驚曰吾事洩矣亟行彼或未及知

卽舉砲發舟乘夜順流斷絙破圍所過辟易旣出險夜半薄小新城元兵邀擊死戰沿岸束荻列炬火光燭天至勾林灘漸近龍尾洲遙望軍船旗幟紛紛披貴軍喜躍舉流星火示之軍船見火卽前迎及勢近欲合則來舟皆元兵也蓋郢兵前二日以風水驚疑退屯三十里而元兵得逃卒之報據龍尾洲以逸待勞貴戰已困出於不意殺傷殆盡身被數十槍見執不屈死之元軍命降卒四人昇尸至城下曰識矮張乎此是也守陴者皆哭城中喪氣文煥斬四卒以貴附葬順家

牛富霍邱人爲侍衛馬軍司統制戍襄陽五年移守樊城累戰不爲衄且數射書襄陽城中遺呂文煥相與固守兩城爲脅齒凡六年城破富率死士巷戰渴飲血水轉鬪欲前遇民居燒絕街道身被重傷以頭觸焦柱赴水死贈靜江軍節度使諡忠烈裨將王福亦赴火死

范天順荆湖都統也襄陽受圍天順日夕守戰尤力及呂文煥出降天順仰天嘆曰生爲宋臣死當爲宋鬼遂縊死

按宋元通鑑載范天順之死在咸信九年贈定江軍承宣使官其子正月呂文煥出降在是年二月與傳五異

呂文信文德之弟也仕至武功大夫沿江副司諮議官德祐初帥舟師次南康斛林夾白鹿磯與元兵遇戰死特贈定遠軍承宣使河湖砦巡檢張興宗亦死之贈武翼郎皆官其子

趙文義郢州都統制更戍歸與元兵遇力戰死之先是開州之役文義兄武義亦死焉又有楊壽孫者爲雲安軍主簿兼教參佐忠勝軍端平中元兵至中江縣與將官何庚安惟臣田廣澤等數人連戰二日俱死之壽孫贈通直郎庚等各贈承節郎官其子

邊居誼

本紀作居義

隨人也初事李庭芝積戰功至都統制咸淳十年以京湖制置帳前都統守新城居誼善御下治

戰守之具有法時元兵破沙陽

元史作沙洋

執首將王大用呂文煥曰新城小壘可不攻破也居誼率舟師拒之文煥

列沙陽所斬首招降不從明日縛大用至壁下使呼曰邊都統急降不然禍即至矣居誼答曰吾欲與呂參政語

文煥以爲降已也馳馬至伏弩亂發馬仆幾鈎得之衆挾文煥易馬奔越二日總制黃順出東門降明日使順來

招之又呼其部曲部曲欲縋城出居誼悉驅斬之文煥乃麾兵攻城蟻附而上居誼悉取金散將士往來督戰會

暮破侵漢樓樓火延民居居誼走還第拔劍自殺不殊赴火死事聞贈利州觀察使

按元史巴延傳載居誼自焚死後遂供誅沙陽守將王虎

臣王大用等四人傳未詳殺讞附識

趙卯發

元史巴延傳作馬發

字漢卿昌化人淳祐十年登第爲遂寧州司戶潼川簽判尋罷咸淳七年起爲彭澤令十年擢

通判池州元兵渡江池守王起宗棄官去卯發攝州事繕壁聚糧爲守禦計明年正月元兵至李王河都統張林

屢諷之降卯發怒氣填膺瞠目視林不能出言越日林以兵出巡江陰降敵歸而陽助卯發爲守守兵僅五百人

卯發知不可爲乃置酒與親友飲訣謂其妻雍氏曰城將破吾守臣不當去汝先出走雍氏曰君爲忠臣我獨不

能爲忠臣婦乎卯發哂之雍氏曰吾請先君死卯發笑止之乃盡散其家資與其弟姪僕婢悉遣之出二月兵薄

池卯發晨起書几上曰君不可叛城不可降夫妻同死節義成雙與雍盛服同縊從容堂事聞贈華文閣待制諡

文節雍氏贈順義夫人錄一子爲京官

唐震字景實會稽人既登第爲小官權貴有以牒薦之者震內牒篋中既而還之封題未敢咸淳中由大理司直

通判臨安府六年知信州擢浙西提刑忤實似道去十年起知饒州時興國南康江州諸郡並降元元兵略饒饒

兵止千八百人震發州民守城上書求援不報元使人入饒取降款通判萬道同陰斂白金牛酒備降禮風震降震叱之曰我忍偷生負國邪城中少年感震言殺使者明年二月兵大至都大提舉鄧益遁去震盡出府中金錢書官資揭於城募有能出戰者賞之衆懼不能戰元兵登陴衆遂潰震入府中玉芝堂其僕前進曰番江門兵未合出猶可免震罵曰城中民命係於我民死我何面目獨生邪有頃兵入執贖鋪案上使震署降震擲筆於地遂死之兄椿與家人俱死贈華文閣待制諡忠介官其二子震客馮驥後守獨松關何新之守閩之新壘皆戰死司馬夢求敘州人溫國公光之後也母程歸及門夫死誓不他適夢求其族子取以爲後景定三年舉進士咸淳末調江陵沙市監鎮沙市地勢險固恃水爲防德祐元年湖水忽涸元兵橫遏中道乘南風縱火都統程文亮降夢求朝服望闕再拜自經死

耿世安爲武翼大夫淮東副總管兩淮都撥發官諜報元兵至制置使賈似道調世安提兵往漣水軍增戍衆方猶豫世安徑至漣溝以三百騎入陳鏖擊身被七創猶能追殺既還兵而沒事聞贈五官

李成大字實夫南康軍建昌人文定公迪從子也寶祐四年進士德祐初知金壇縣元兵至與寄居官潘大同大本率民兵巷戰不勝大同兄弟死之吏民挾成大降乃潛與胡用存謀復金壇事泄繫獄撈掠不屈殺其二子以懼之亦不屈卒殺之事聞贈朝散大夫直祕閣諡忠節

趙孟錦少不羈遊淮以軍功爲將佐元兵攻眞州每戰輒先士卒元重艦駐江上孟錦乘大霧襲之俄霧解日已

高元兵見其兵少逐之登舟失足身荷重鎧死焉元兵入眞州守將苗再成死之

按孟錦舊附趙興傳今以其死於江左與從二王死者不同

時遷移置於此

陶居仁太平蕪湖人仕爲鎮江錄事參軍元兵破鎮江居仁見執抑使降居仁曰吾固知世運窮矣詎求苟生以失忠義邪遂見殺

尹玉璽都人以捕盜功爲贛州三砦巡檢從文天祥勤王及天祥至平江調玉同淮廣二軍拒元兵戰於伍牧軍敗諸將皆遁惟玉殘兵五百殊死戰玉手殺數十人箭集於背如蝟毛竟被執元軍橫四槍於其項以槌擊之死餘兵猶夜戰殺人馬蔽田間無一降者後贈濠州團練使官其二子

陳炤字光伯常州人登第爲丹徒縣尉兩淮制置司參議官改知胸山縣仍兼主管機宜文字丁母憂歸元兵至常守臣趙興鑒走匿郡人錢嘗以城降會淮民王通居常州謀復之陰以書約劉師勇許爲內應師勇遂復常州走錢嘗於是朝議以姚希得子嘗知常州嘗故知炤辟爲通判或謂炤曰今辟難有辭矣炤曰鄉邦淪沒何敢偷生墨衰而出嘗入常甫十餘日元軍再至炤等率義兵戰禦數月不能下以功加帶行提轄文思院適常將張彥降敵盡言常城中虛實遂急攻之炤與嘗固守再加嘗太府寺丞炤幹辦諸軍糧料院常將士皆轉五官攻益急常兵阻壕水爲陳矢盡城破嘗死之炤猶斂兵巷戰不敵死爲事上追贈嘗龍圖閣待制希得贈太師炤直寶章閣並官其子

王安節節度使堅之子也少從其父守合州有功咸淳末爲東南第七副將德祐初賈似道潰師蕪湖列城皆降時安節駐兵江陵卽走臨安上疏乞募兵爲捍禦計授閩門祇候浙西添差兵馬副都監收兵入平江合張世傑兵戰鳳凰港有功轉三官劉師勇復常州擊走王良臣以安節守常已而良臣導元兵攻常常城圯惡安節築柵相拒兩月丞相巴延自將攻之屢招降不下巴延怒麾兵破其南門安節揮雙刀率死士巷戰臂傷被執有求其

姓名者安節呼曰我王堅子安節也降之不可乃殺之

黃介字剛中隆興分寧人喜兵法夏貴辟充廣濟簿尉後家居帥鄉民登龍安山爲保聚計德祐元年元兵至若衆奔潰介堅守不出顧謂家僮陳力曰爾盡力勿走力曰王在生死同之介身被鏃如蝟面頸中十三矢倚柵而死力亦死妻劉被掠子用中逃得不死及壯求母四方逾十年得於京師以歸州里稱爲黃孝子云

密佑其先密州人後渡淮居廬州累官至廬州駐劄御前遊擊中軍統領改權江西路副總管咸淳十年以閭閻宣贊舍人爲江西都統明年二月朱禔孫遣高世傑復鄂州阿爾哈雅以兵逆擊執世傑餘兵潰入江西江西制置黃萬石招集之且募寧都廣昌南劍義兵千餘人盡以屬佑十一月元兵至隆興劉槃兵敗嬰城自守萬石時移治撫州將遁懼佑不從乃調佑兵援槃未至隆興槃已降而元帥張瑄實呂師夔擁兵逼撫州佑率衆逆之進賢坪兵來呼曰降者乎鬪者乎佑曰鬪者也磨其兵突戰進至龍馬坪元兵圍之數重佑告其部曰今日死日也若力戰或有生理衆咸憤厲自辰戰至日昃佑面中矢拔之復戰身被四矢三槍餘騎僅數十人佑舞雙刀斫圍南走前渡橋馬踏橋板斷遂被執衆戒勿殺輿歸隆興元帥宋都木達曰壯士也欲降之繫之月餘命劉槃呂師夔坐城樓引佑樓下以金符遺之許以官佑不受語侵槃師夔又令其子說之曰父死子安之佑斥曰汝行乞于市第云密都統子誰不憐汝怡然解其衣請刑遂死

米立淮人三世爲將從陳奕守黃州奕降立潰圍出江西制置使黃萬石署爲帳前都統制元兵略江西立迎戰于江坊被執不降行省遣萬石諭之立曰侍郎爲國大臣立一小卒耳但三世食趙家祿趙亡何以生爲遂遇害李芾字叔章其先廣平人徙居汴高祖升起進士靖康中金人破汴以刃迫其父升前捍之與父俱死曾祖椿徙

家衡州芾初以廕補南安司戶改祁陽尉攝縣辟湖南安撫司幕官時盜起永州招之歲餘不下芾與參議鄧珮提千三百人破其巢禽賊魁蔣時選父子以歸餘黨遂平累官浙東提刑知温州咸淳元年入知臨安府時賈似道當國前尹事無鉅細先關白始行芾獨無所聞嘗出闕火具民有不爲具者問之曰似道家人也立杖之似道大怒使臺臣黃萬石誣以賊罪罷之元軍取鄂州始起爲湖南提刑時郡縣盜擾民多奔竄芾令所部發民兵自衛縣與一阜幟令曰作亂者斬幟下民始帖然乃發民擇壯士三千人遣將勤王別召民兵集衡爲守備未幾似道兵潰蕪湖復芾官知潭州兼湖南安撫使時湖北州郡皆已降元其友勸芾勿行芾泣曰我以家許國矣時值所愛女死一慟而行德祐元年七月至潭潭兵調且盡乃結溪峒蠻爲聲援柵江修壁命劉孝忠統諸軍吳繼明自湖北至陳義陳元自戍蜀歸芾奏請留之戍潭推誠任之皆得其死力元右丞阿爾哈雅旣下江陵分軍戍常德遏諸蠻而以大兵入潭芾遣其將于興禦之于湘陰興戰死九月元兵遂圍城芾慷慨登陴與諸將分地而守民老弱皆出不令而集十月兵攻西壁孝忠輩奮戰芾親冒矢石以督之城中矢盡有故矢皆羽敗芾令括民間羽扇羽立具又苦食無鹽芾取庫中積鹽席焚取鹽給之死傷相籍人猶飲血乘城殊死戰有來招降者芾殺之以徇十二月城圍益急孝忠中礮風不能起諸將泣請曰事急矣吾屬爲國死可也如民何芾罵曰國家平時所以厚養汝者爲今日也汝第死守有後言者吾先戮汝除夕元兵登城衡守尹穀及其家人自焚芾命酒酌之參議楊霆赴圍池死芾坐雄湘閣召帳下沈忠遺之金曰吾分當死吾家人亦不可辱汝盡殺之而後殺我忠伏地叩頭辭芾固命之忠泣而諾取酒飲其家人盡醉乃徧刃之芾亦引頸受刃忠取火焚其居還家殺其妻子復至火所大慟乃自刎幕屬茶陵顧應焱安仁陳億孫皆死潭民聞之多舉家自盡城無虛井絳林木者累累相比繼

明等以城降

按元史阿剌哈雅傳是時同蒲陳義憤圍將奔閩中道戰死事聞贈明殿大學士諡忠節死者尚有轉運使鍾張英謹識

尹穀字耕叟潭州長沙人登進士第調常德推官知崇陽縣用薦擢知衡州需次於家潭城受兵帥臣李芾禮以爲參謀大畫備禦策時城中壯士皆入衛臨安所餘軍僅四百五十人老弱大半芾糾勵民丁以義固守三月城不下元軍斷絕險要穀知城危與妻子訣曰吾以寒儒受國恩不可屈若輩從吾死耳召弟岳秀使出以存尹氏祀岳秀泣而許之已乃積薪局戶朝服望闕拜已卽縱火自焚闔門少長皆死

楊震字震仲以父大異恩奏補將仕郎銓試第一授修職郎桂嶺主簿五中漕舉改鄂州教授累官通判江陵府丁內艱德祐初起復奉議郎湖南安撫司參議與安撫使李芾協力戰守震有心計善出奇應變帥府機務芾一以委之城初被圍日夜守禦數日西北隅破震麾兵巷戰暮築月城比旦城復完以死守之城既破震赴水死妻妾奔避不及皆死

趙良淳字景程居饒之餘干丞相汝愚曾孫也以蔭爲泰寧主簿三遷至淮西運轄改知分寧縣秩滿特差權江西安撫司機宜文字升大理司直咸淳末知安吉州尋以徐道隆爲浙西提刑以輔良淳加良淳直祕閣范文虎遣使招降良淳勸其使元兵迫獨松關有旨趣道隆入衛道隆去而元兵已軍東西門矣良淳率衆城守夜就焚舍陣上先是朝廷遣將吳國定援宜興國定不敢入宜興而之安吉見良淳願留備守禦良淳信之爲請于朝留戍安吉已而國定開南門納外兵兵入城呼曰衆散元師不殺汝于是衆號泣散去良淳命車歸府閉閣自經有入解救之者復蘇因泣勸曰侍郎何自苦良淳叱出之復投縊而死

徐道隆字伯謙婺州武義人父煥知南雄道隆以任補職累官潭州判官權知全州荆湖制置使汪立信奏辟爲

參議官及立信內遷趙孟傳爲制置使以道隆參其軍事遂爲提點刑獄尋有旨命道隆措置安吉潰卒范文虎程鵬飛管景模俱遣書誘降道隆焚書斬使元兵至臨平皋亭山間道入援時道絕不通議由太湖經武康臨安縣境勤王卽日乘舟出臨湖門泊宋村德祐二年正月朔旦元兵追及道隆以江陵親從軍三百人殊死戰矢盡槍槩折一軍盡沒道隆見執乘守者少急赴水死長子載孫亦赴水死餘兵有脫歸者言於朝命贈官賜諡官其子孫

欽定續通志卷五百十五

忠義傳

宋五

高應松

徐應鑣

姜才

洪福

趙淮

宋應龍

補一正胡拱辰

趙與釋

方洪

趙孟壘

趙孟柔

鍾季玉

潘

方

馬壘

婁鈴轄

鄧得遇

劉子薦

黃文政

陳文龍

瓊

林空齋

陳年

吳楚材

蕭雷龍

劉

士昭

王士敏

趙時賞

趙希泊

必向

鄒淵

劉子俊

劉沐

孫泉

彭震龍

蕭震夫

陳繼周

陳杜

許林琦

金應

張珏

上官慶

王世昌

趙西泰

王仙

曹琦

陸秀夫

劉鼎孫

張世傑

劉師勇

莫謙之

徐道明

高應松開慶元年進士繇衡州教授通判廣德軍召為國子監丞權禮部員外郎翰林權直元兵自湧金門入舉朝奔竄從官留者九人應松其一也進端明殿學士簽書樞密院事從瀛國公至燕絕粒七日卒

按此傳後宋史舊附張山翁黃

申兩傳雖屬秉節不屈以其隱居終老茲俱移入獨行傳

徐應鑣字巨翁衢之江山人咸淳末試補太學生德祐二年瀛國公入燕三學生百餘人皆從行應鑣不欲從乃

與其子琦崧女元娘誓共焚死子女皆喜從之太學故岳飛第有飛祠應鑣具酒肉祀飛曰天不祐宋社稷為墟

應鑣誓死闔家與俱死將魂魄累王作配仰王英靈永承罔艾琦亦賦詩自誓祭畢以酒肉醉諸僕應鑣乃與其

子女入梯雲樓積諸房書籍四周縱火自焚一小僕聞火聲寤起至樓下穴牖窺之應鑣父子儼然坐立如廟中

塑像走報諸僕壞壁入撲滅火應鑣不克死與其子女怏怏出戶莫知所之翌日得其屍祠前井中皆僵立瞠目

如生人諸僕爲具棺斂殯之西湖金牛僧舍益王立福州褒其節贈朝奉郎祕閣修撰後十年其同舍生劉汝鈞收葬之方家峪

姜才濠州人貌短悍隸淮南兵中以善戰名爲通州副都統臨陣軍律凜凜其子當戰回白事才望見以爲敗也拔劍馳逐幾殺之賈似道出師才以兵屬孫虎臣及虎臣軍潰才收兵入揚州元兵乘勝攻揚州才爲三疊陣逆之三里溝戰有功又與元師戰揚子橋日暮兵亂流矢貫才肩才拔矢揮刀而前所向辟易已而元軍築長圍自揚子橋竟瓜洲東北跨灣頭至黃塘西北至丁村務欲以久困之時德祐元年明年正月宋亡五秦使持謝太后詔來諭才射卻之復以兵擊敗於召伯堡未幾瀛國公至瓜洲才與李庭芝涕泣誓將士出奪之以四萬人夜擣瓜洲戰三時衆擁瀛國公避去才進戰至浦子市夜猶不退阿珠使人招之才曰吾寧死豈作降將軍耶四月才以兵攻灣頭柵五月復攻之騎旋濫而止乃舍騎步戰至四鼓全師以歸揚食盡才時出運米真州高郵以給兵元萬戶史弼將兵至馬家渡伺奪之才與戰達旦弼幾殆阿珠馳兵來援乃得免庭芝以在圍久召才屏左右語久之第聞才厲聲云相公不過忍片時痛爾左右聞之俱汗下才自是以兵護庭芝第期與俱死七月益王在福州以龍神四廂都指揮使保康軍承宣使召才與庭芝東至泰州將入海阿珠以兵追及圍泰州使使者招之降才不聽阿珠驅揚兵士妻子至城下會才疽發背不能戰諸將遂開門降都統曹安國入才臥內執之以獻阿珠愛其勇敢降而用之才輒謾罵阿珠責庭芝不降才曰不降者才也益憤詆不已阿珠怒畱之揚州才臨刑夏貴出其旁才切齒曰若見我寧不斃死耶有洪福者夏貴家僮也從貴積勞爲鎮巢雄江左軍統制鎮江北貴出降元福與子大淵大源下班祇候彭元亮統貴軍拒之加右武大夫知鎮巢貴招福不聽使其從子往福斬之元兵